


La Bibia di s'cecc presenta



El Scel, la bella abitazzion de Dee



Scrivuda da: Edward Hughes

Illustrada da: Lazarus
Alastair Paterson

Adatada da: Sarah S.

Voltada da: Alessandro Cavalli

Produsida da: Bible for Children
www.M1914.org


©2022 Bible for Children, Inc.

Licenza: l'è consentida la stampa e la reproduzion di test;
interdida la vendita.

Quand che el Gesù el viveva in su la terra, l'ha cuntad su ai so discepoi del Scel. L'ha ciamad "La Ca del me Pader", e el gh'ha did che i gh'eren sossen abitazzion li. L'abitazzion l'è ona ca spazziosa e bella fess. El Scel l'è pussee spazzios e pussee bell de qual se sia oltra ca de terra.



El Gesù l'ha did, "Voo a preparà on sit per violter. E despoeu che ghe saroo andad a preparà on sit per violter tornaroo an'mò e ve menaroo cont Mi." El Gesù l'è andad in Scel despoeu che l'è resorsgiud da la mort. Menter i discepoi el vardaven el Gesù l'è andad su in Scel, e ona nivola el gh'ha fad scomparì da la lora viduda.




3

Da alora i Cristian i regoeurden l'impromètuda del Gesù de tornà a ciapai cont Lu. El Gesù el gh'ha did che el sariss tornad de stich quand che manch el speciom. Ma cosa el sarà di Cristian che moeuren pruma de la soa vegnuda? La Bibia la dis che i sarann cont el Gesù. I gh'inn mèa cont el corp ma inn presencc cont el Segnor.



4

L'Apocaliss, l'ultem liber de la Bibia el ghe dis quant l'è maravejos el Scel. La roba pussee bella l'è che in d'ona manera speciala fess, el Scel l'è la ca de Dee. Dee l'è despertut, nepunemanch el so tron l'è in di Scei.



5

I Ansgioi e i olter vesser del Scel, i adoren Dee in del Scel medem. Insci i fann tute i persone de Dee che inn moeurude e che inn andade in del Scel. I canten i canzon de lod a Dee.




6

Chi i gh'inn di parole d'ona canzon che lor canten:
 TI TÈ SEET DEGN PERCHE' TE SEET STAD
 SACRIFEGAD E T'HEET DAD A
 DEE, CONT EL TO SANGH,
 SGENT DE TUTE I TRIBU'
 POPOI E NAZZION E TE
 GH'EN FAD
 PER EL NOST
 DEE ON
 REAM E DI
 SACERDOCC.
 (Apoc. 5:9)




7

I ulteme pasgène de la Bibia i descriven el Scel coma "La noeuva Gerusalem". L'è sossen, sossen grand, cont on mur, avolt de foera. El mur l'è de ploch de sgiaspa, ciara e cristallina. I Bisgiò e pere preziose i quaten i fondamente del mur, cont di color bej fess sbarlusencc. Ciaschedun restell de la zità l'è fad di perle grande!




8

Quej uss grand fess facc de perle inn stacc mai seracc. Andem a dagh on'oggiada atorna...Ciospa! El Scel l'è an'mò pussee bell denter. La zità l'è fada d'or pur, compagn a veder transparent. Ancasi ben la strada l'è d'or.




9

On bell fium lambegh de l'aigua de la vita el cor dal tron de Dee. In su tucc du i canton del fium i gh'inn i arbor de la vita i che a lora voeulta i se troeuvaven in del sgiardin de l'Eden. Quest arbor chi l'è special fess. Lu el produs dodes deferencc tip de fruta, de natura deferenta ciaschedun mes. E i foeuje de l'arbor de la vita inn per fà trà foeura i nazzion.




10

El Scel el gh'ha mèa el busogn del soo e de la luna per fà luz. La Gloria de Dee l'impiegniss cont la soa maravejosa luz. L'esist mèa la nocc in del Scel.



11

Ancasi ben i nimai in del Scel inn deferencc. Inn tucc schisc e amisevoi. I loff e i bessocc i pacien l'erba in sema. Ancasi ben i leon poeuderos i pacien el fen coma el bò. El Signor el dis, "Lor i menen nò el desfescià in su tut el me Mont Sant".



12

Vardemess atorna, notom che el gh'è vergot che el manca in del Scel. I se senten pu i parolle d'inversadura. Nissun el taca lit o l'è egoista. I gh'inn mèa i seradure ai uss, desgià che i gh'inn nò i lader in del Scel. I gh'inn pu i cuntaball, i assassit, i stregon o oltre persone malegne. El gh'è nissun tip de peccad in del Scel.



13

In del Scel cont Dee i gh'inn pu i lagreme. On quai de voeulta, i persone de Dee i lucien per di dolor grand o per di malatee in questa vita chi. In del Scel, Dee el sugarà i nostre lagreme.




14

La ghe sarà pu gnancanmò la mort in del Scel. El popol de Dee el sarà semper cont el Signor. El ghe sarà pu el dolor e gnanca el lucià. Nissuna malatea, nissun partasg e nissun funeral. In Scel sarem tucc feliz cont Dee.



15


Ma la roba mejora l'è che el Scel l'è per bagaj e toसानe (e anca per chi l'è on poo cressud) e che i gh'hann credud in del Crist Gesù coma lor Salvador e che i gh'hann oeubedid coma lor Signor. In del Scel el gh'è on liber ciamad "El liber de la Vita del Bessot". E l'è impiegnid de nom de persone. Te cognoeusset i nom de quej che inn scrivud in del Liber? Tucc quej che i gh'hann mètud la lora fidanza in Gesù.



El gh'è el to nom?

16

I ulteme parolle de la Bibia in sul Scel inn on invid maravejos. "L'è el Spiret e la Sposa i disen, 'Vegnet!' Chi el sent che el disa 'Vegnet!' Chi el gh'ha sed che el vegna. E chichinscì el voeur, che el ciapa in cadò l'aigua de la vita."



17


El Scel, la bella abitazzion de Dee
vuna storia da la Parolla de Dee, la Bibia

Se troeuva in

Gioan 14, 2 Corinzi 5,
Apocaliss 4, 21, 22

"L'access a Parolla la ghe da luz."
Salmo 119:130

18



60

60

19

Ol Signoi al sa c'am fem robi sbagliai, che Lu al ciamà pecad. A conseguenza d'ol pecad l'è la morti.

Ol Signoi al ma ama insci tanto che l'ha mandad ol so fioeul Gesù a mui su ona croci a pagà per ol nostro pecad. Gesù l'è resuscitad e l'è andeid in Scell! Mò ol Signoi al podi perdonà i nostar pecai.

Sa te voeui abandonà i to pecai, parla con ol Signoi e dighi: Caro Signoi, men a credo che Gesù l'è morto par men e che mò al vivi. Ta prego da igni in daa me vita e da perdonà i me pecai inscì a podo comincià ona vita noeva e passà ol resto da a eternità insemma a Ti. Otami a vivi par Ti compagn on to fioeul. Gioan 3:16

Legi a Bibbia e parla cont ol Signoi tuti i dì!

20